

مجون 1

ألف رقاصة في بلدنا وجنب منا كثير
وإحنا يا هوووه دولة نامية وإقتصادها فقير
يبقى ليه أرتست تكسب في السنة مليون دولار
جايه من روسيا البعيدة ولا من كشمير

1-المسألة مش مسألة رقص أو فن أو تجارة

المسألة الشعب تافه كل همه الفياجرا يا شبارة

إتلاقيه لابس شيكارة والعشا فجل وبسارة

ويرمي نقطة 100 جنيه وعفش بيته يا دوب حصير

2-لبوة تلبس بنطلون ولا جيبة من الشيفون

الأذاعة عالمجون تحتفي وتقول فنون

والسكاري بعد منها يهتفوا بالميكرفون

نص ل صافينا وفيفي ونص ل أنوشا وسهير

3-والبنات فرصة تلاقيا هات يا رقص وهات

إلي ببلوزة تلاقيا وإلي بالمايوهات

تسخن السهرة العدوي تسري تنزل الستات

الصدر والبطن لجة والشواطئ شريط حرير

4-وساعة تمضي بعد ساعة تلقي الصبح لاح

ومن التعب تلقي الجماعة قالوا يا مرواح
والبوليس ساهي ولاهي والبركة في أم صلاح
إلي عازمة بوليس حارتنا والعتبة والتحرير
5-هي دي أفراح بلدنا إفرح يا جهل وهيص
الأنفتاح خلف وتد سموه لك التخصيص
أقعد عليه راح يسعدك دا الجهل والتعريض
موجود فينا من أازل ولسه منه كتير

